



Hungary - Cities and towns - Budapest
21 [163-]. [Arch.]

Noribergensibus, & Episcopis duobus, Herbipolensi & Bambergensi, quorum sumptibus ille tunc res gerebat. Ita subducto belli nervo, deseruit obsidionem. Superiore quoque quam hæc commentabamur anno, is tuitur post millesimum sexcentesium, arcte urbem pressit Dux Henricus Iulius. Evocatis etiam in auxilium copiis regis Daniæ ad finis sui; sed quum Anseatici confœderati suppetias obsessis ferrent, Ordinesque confœderatarum Belgicæ Provinciarum misso Henrico Friderico Nassovico vim etiam ostentarent, soluta est obsidio, & concepra quædam perpetuæ ac duraturæ concordiæ capita. Religionem primus in ea urbe patrum memoria restauravit D. Joannes Butenhagius Pomeranus, evocatus Witebergæ, qui aliquamdiu illic moratus, inspectorem ipsis dedit Martinum Gerlicium, addito ipsi collega Henrico Winkelio Werningerodensi. Et mansit in sua statione ad finem usque vitæ Winkelius, sed Gerlicius Jenam rediit, suffecto sibi Nicolao Medlero Theologiæ Doctore. Medle-

rum sequutus est Joachimus Morlinus, Morlinum Chemnitius, hunc Polycarpus Lyserus, donec & ipse Witebergam evocatus ad Ecclesiam illic gubernandam, & docendi partes in aula & Academia, alteri lampadem istam tradidit. Curia præfixa est hæc inscriptio,

IN CONTROVERSIIS CAVSSARVM
CAPITALES INIMICITIÆ ORIVNTVR;
FIT AMISSIO EXPENSARVM.
CORPVS QVOTIDIE DEFATIGATVR.
LABOR ANIMI EXERCETVR.
MVLTÆ ET INHONESTÆ CRIMINA DEINDE CONSE-
QVNTVR.
BONA ET VTILIA OPERA POSTPONVNTVR.
ET QVI SÆPE CREDVNT OBTINERE, FREQVENTER
SVCCVMBVNT.
ET SI OBTINENT, COMPVSTATIS LABORIBVS ET
EXPENSIS NIHIL ACQVIRVNT.